

永春縣志卷二十六

循吏傳

序曰大學述孟獻子之言云百乘之家不畜聚斂之臣與其有聚斂之臣寧有盜臣故趙簡子命尹鐸治晉陽臨發請曰爲繭絲乎爲保障乎簡子曰保障哉於是省刑薄賦好惡與民同之後經知伯韓魏之難沈竈產鼃民無叛意而齊威王且以國本所寄烹阿大夫而封卽墨大夫以儆不勤民而善事左右者其後湣王失國而田單以卽墨復興蓋悃悞無華之吏日計不足月計有餘視夫武健嚴酷之輩逢迎上好取快目前而陰則剝削國家元氣者相去不可道里計也唐陽城之治道州也上官永春縣志

卷二十六 循吏傳

一

以賦課督過之城自署曰撫字心勞催科政拙考下下由此觀之拙吏者國之寶而巧吏者國之賊也輓近以來爲國者不務開源節流漑植根柢而一切取便俄頃臨民之吏風流波靡誠有如太史遷所謂非武健嚴酷不勝任者卒之世變日亟民無常主小己得失其流及上非獨黔黎之不幸也故采錄宋元以來循良舊績及乎清季俾後來官斯土者得以考鏡焉舊志附職官志後今從列傳之次別綴之篇第稍後亦大易成終而成始之義云

唐桃林場長

王顥字還古唐大中間爲桃林場長有惠政盛均作記稱之

書

宋知永春縣  
事丞尉附

林滂開寶三年省志作太知永春縣見溪流湍激盤石紆蹙不利行舟乃鑿去馬甲山門滑石西涵四險灘大為民便事見閩

於溪流上有自卓埔而上五字大誤永春溪流之通舟者僅至治西之義烈祠下若卓埔在桃溪上流去義烈祠約三十里舟行自來無至石鼓者况卓埔乎故辨正之

歐慶字貽孫乾德人以彭州軍事推官知縣事故與中書令鄧文懿同邑同時文懿貴顯而慶為州縣所至上官多鄧故舊絕口不言及終其去人不知為鄧友也作吏廉貧以厚德名於里

閩書又見歐陽修廬陵文集

江公望字民表睦州人省志作建德人熙寧六年進士紹聖三年知永

永春縣志 卷二十六 循吏傳

二

春縣時百度廢弛租賦不以時輸而訟無日無之公望至茸陋補弊剔蠹除梗不數月而民服其為政明於大體凡事先之僚屬乃從而稽其成故恆不勞而集嘗於署中隙地構一亭額曰多暇時邀賓僚宴詠其中既去民立祠祀之入為太常博士拜左司諫以數言事出知淮陽軍累直龍圖閣知壽州蔡京用事落職編管南安軍遇赦還家卒建炎中贈右諫議大夫宋史

舊志合纂

黃瑀字德藻閩縣人紹興八年進士知永春縣時承舊志誤寇亂之後物力凋瘁瑀至首蠲宿負罷無名之賦有鬻業而籍未除者悉釐正之或履畝均其賦稅輸納有後期者不以吏胥追

呼揭其姓名於市爲之期日有請鬻牛輸賦者瑀惻然曰奈何使汝失一歲之計今春姑以丐汝秋成並納未晚也自是豪民無倖免而貧弱以甦不一歲流亡盡復賦入倍其初瑀性廉勤而明決例所當得皆輸公帑鉤考出納必身親之嘗以他錢代輸宗米歲數十萬左翼軍自漳徙屯當治營屋瑀出庫錢僦工成屋千間而邑民不擾治豪猾姦民執法無少貸聽斷發摘隱伏人以爲神而矜愚宥眚卒歸仁恕治學館延修士課試以時俗尙鬼佞佛瑀禁止之丞女病若有憑之者巫曰故邏卒某爲崇瑀杖其偶像投之溪女病卒愈自是陋俗一變秩滿擢御史嘗植名木人呼爲御史林朱熹謂前令江公望後惟瑀爲不愧

永春縣志

卷二十六

循吏傳

三

云祀名宦祠

真西山集  
參省志

陳珙字子重

省志作  
重仙誤

仙遊人嘉定元年進士初任縣丞時秤提

楮幣真德秀爲郡守檄珙行之措處有方民以弗擾尋知縣事

省志作  
開禧間

值汀寇焚蕩之餘加意安輯境內帖然朝旨蠲被難州

縣租有司以支吾窘迫多延不行珙獨撙節月計杜苞苴費積

錢八千緡如詔施行民受其賜遷兩浙管運卒

參省志

梁垌

省志作垌

寶祐間任凡縣治之未就者成之社稷舊無祭器遇

祀假諸學宮垌曰祭器不假別造而儲之

閩書以  
上知縣事

黃彥暉字如晦莆田人宣和三年進士授永春丞時縣令洪旦有德量而短於才趙鼎爲郡守以彥暉易之彥暉事日益恭人

兩賢之後權知晉江同安咸有政績

丞

許廷彥字朝美莆田人紹興四年授永春縣尉俸祿不入私室時境有寇擾代者避難不至廷彥獨歷四考百姓安堵

傅誠字叔汶嘗師朱子淳熙八年進士爲縣尉力辨縣民陳介珪冤獄與上官忤因納誥敕求去卒得直侍郎黃艾使金辟誠爲屬還遷太常博士善真德秀每過談竟日寧宗朝輪對鯁切忤當事意一日朝罷在殿下暴卒人咸惜之

以上尉

元縣尹

錢宗顯大德中爲永春主簿時上司檄輸箭竹一節十握者三萬五千官吏緣例催督民以非本地所產甚苦之宗顯毅然曰

永春縣志

卷二十六

循吏傳

四

害若不除去有遺恨力請除豁報可邑人歡聲動地立碑紀之

後陞本縣尹

據林泉生記省志作後升安溪縣尹

盧琦字希韓惠安人至正二年進士十二年任永春縣尹初至遇歲饑發倉賑貸省賦役罷橫征決滯訟減口鹽一百餘引蠲包銀榷鐵之無徵者時行鄉邑見田園墾闢禾麥茂盛則召其人勞之煦煦笑語間有籬落不整溝洫壅坳者則詰而懲之有因細故興訟者必正告之曰何爲棄農務而造公庭所失不更鉅耶立剖決而遣之無不愧服以去於是官曹事少而民競勸更立學宮延名儒課授月書年考皆自校之教化大行仙遊寇發遇琦於途羅拜曰是永春盧大夫耶有君如此誰忍負之吾

等爲縣官所苦故至此琦立馬諭以禍福皆棄刃投槊而散凡九百八十三人自是威惠行於境外遠近無不知有盧永春矣十三年泉州大饑死者枕籍民多扶老攜幼就食永春琦諭巨姓及浮屠食之幼稚有棄於道者命人以舟載之所存活甚衆次年寇數萬人自安溪襲永春琦乘寇未集出召各鄉紳長丁壯諭之曰永春無城我爲國家命吏不可徒死於賊今日之事度能禦之當致死與之戰不能則我先死以謝我父老子弟衆皆感憤曰賊吾讐也順之必無幸今日決與使君同死琦知其可用乃率以攻賊大破之明日復出分道勦擊自是大小凡三十餘載斬獲一千二百餘人當是時山寇猖獗列郡騷動永春永春縣志

卷二十六

循吏傳

五

獨賴以無事者數年琦之力也十六年調寧德寇聞琦至卽遁去相戒勿犯盧使君境林泉生爲碑頌之比諸余闕守安慶彭庭堅尹崇安焉海寇掠惠安執一漁者詢所居知與琦鄰飲食遣之去後以薦知平陽州按杜志有縣監林純子傳林次崖修府志斥其背宋附蒲壽庚降元目爲叛臣鄭志刪去之甚允今從之蓋大節已虧不得以小善濫廁循良之列也若其政績果有過人自當別論如魏鄭公劉誠意原不因其曾事二姓而擯之於名臣之外也

明知縣

丞

教諭

訓導附

溫琇新會舉人

舊志作監生據省志改

永樂中知永春寬而愛人勸農興

學均役平賦嘗奏減歲造皮張士民德之

杜住西安人監生宣德間任涖政之日首詢民疾苦先學校重教化延碩士以訓諸生政事精敏吏民畏而懷之卒於官服用外無長物

葉珠上饒人宏治間以監生知縣事地舊有桃源驛明初罷凡送迎廩餼之需一切責辦里甲時議以永德二縣田糧幫貼水口晉安康店等驛遣官督併民幾變珠歎曰昔之牧長若王忠溫琇錢宗顯輩皆能減民歲辦惠此一方予何弗能力忤當道上疏乞休當道感動乃除之

柴鏞字仲和臨海人初由舉人知閩縣省志在任永春後嘉靖初改知

永春縣志

卷二十六

循吏傳

六

永春始至官卽進父老詢疾苦剔蠹鋤梗明獄平賦邑之轉輸永寧軍者請改輕折價民咸便之會欲復驛傳鏞力陳其害議遂寢汀廣流寇逼境鏞選練鄉兵躬擐甲胄自花石嶺追至小尤中團凡十餘戰賊黨殲焉亂定遷學宮於白馬山麓時加課省延名儒與修邑志毀淫祠爲社學在任六年擢汀州府通判

參省志

陳瑀宣化

舊志作南寧

舉人嘉靖間任守己清約敷政寬平貧民窮

民多沾其惠陞長沙通判

參省志

王淵嵯縣監生嘉靖間知永春清儉有守不避權勢

閩書

劉三錫廬陵舉人嘉靖間任初署將樂教諭性狷介口不言利

倡鄒東廓之學訓士不倦陞知本縣承寇亂後首詢民瘼痛自  
節約上供之外一切收頭加貼火耗常例悉罷之與民休息困  
既甦修建縣堂規模燦然署晉江爲當道器重以艱歸行李蕭  
然民遮送信宿慰而遣之服闋陞本府通判邑人喜躍奔迎於  
家竟高臥不起

參省志

梁道凝鄖西恩貢生萬曆間蒞任才識明敏情僞至前瞭然洞  
矚邑舊有鉛礦聚衆蓄奸久爲民患道凝親詣封閉莫敢撓者  
戢隸役不得下鄉政舉民安署晉江南安皆有異績以憂去

陳見龍字衍德潮陽人

舊志作湖陽誤

萬曆己卯舉人任永春潔己愛

民衙齋澹泊食不二味常市鹹蛤下飯故邑中有陳蛤鮭之號

永春縣志

卷二十六

循吏傳

七

拔莊際昌於童試中許以大魁後果如其言久任不調閣臣李  
廷機曰是令過於廉潔故也撫按聞之爲調繁阜城遷建寧府  
丞尋擢處州守清操如一轉浙江鹽運使以疾乞休歸卒祀鄉

賢

王光張據潮州府志補正

范時化字遇卿儋州歲貢生任永春日樸素自持廣勵學宮建  
尊經閣爲政不畏強禦犯者雖權貴懿親不少貸刁梗之風爲  
之一變秩滿歸

周堪賡字仲聲寧鄉人天啓乙丑進士年少精明長於聽斷任  
知縣宿弊盡革訟庭晏如邑有十詞九免供之謠嘗捐俸置義  
塚掩骷骸以賢能委署惠安惠之人歌曰安得兩周公惠永俱

蒙休以永春科額甚窄請增至二十四人科儒一人賓興啓行  
題柱聯句云文運萃鵬巒視東井奎光尙增四倍金珂鳴玉闕  
比瀛洲學士更盛七人殿撰莊際昌立石爲記稱其有作人之  
功後調福清縣擢御史

參省志

孫天祥海鹽舉人崇禎初任永春時方多事政煩賦重民不聊  
生天祥憫之每事與民休息里役諸務俱從簡約辭訟有兩造  
具備者皆立決之案無留牘

舊志用事僻處稍  
爲修改以上知縣

王忠上海人洪武間以人材授縣丞勤吏事蠲稅糧均徭役奏  
革額辦緞疋民德之

以上丞

翁爵合浦歲貢生嘉靖間任教諭教人以明倫爲本講經課文

永春縣志

卷二十六

循吏傳

八

暇卽取朱子家禮俾學習焉士風丕變

梁秦字據中高安歲貢任教諭辭常例米置樂器建櫺星門遷

柳州學正卒

以上教諭

徐衡常山歲貢嘉靖中任訓導與柴鏞同時甚爲所重陳琛稱  
其以垂白之年孜孜進學而時出所得以淑士

呂嶽興國歲貢嘉靖間任訓導師範端方重義輕利土賊謝愛  
夫等瞰城初完兵少糧乏率倭屯留灣嶽捐俸犒衆以死拒守  
密遣人約諸寨救應因出精兵擊之賊解圍去其詳見大事志

以上訓導

羅用弼未詳籍貫嘉靖間署巡捕廣平倉謝愛夫之亂與訓導

呂嶽義民顏鉅卿協力守禦城賴以完

舊缺據寇警補

清

知縣

知州

州同

教職

武員

潘際昌仁和人順治三年隨征入閩除永春知縣山寇攻城際昌率民兵守禦百餘日外援不至力竭城陷仰天歎曰既不能保障士民仰答君親生何益耶望北叩首投井死

鄭名普寧進士順治六年任時當兵燹之後城邑丘墟名勞來備至民賴以安公署倉庫次第修葺以憂去

鄭功勳字震寰正黃旗蔭生康熙二十年任修邑志嚴保甲弭盜省刑治績大著復建朱子祠及文昌閣以培士風陞西隆知州

永春縣志

卷二十六

循吏傳

九

許其誼字子正陝西咸陽人康熙庚辰進士四十七年任剔蠹愛民不避權貴設義學造士署其門曰障百川而東之則吾豈敢息六月以南徙惟士爲能時提弁爪牙入永抽稅其誼力請禁革民賴以安漳寇犯境其誼率民兵討擊賊潰去官軍尋搗其巢平之卒邑人立祠于新亭歲時致祭至今不絕

石如金字汝礪正白旗監生康熙五十一年任性剛介不可干以私捐俸修文廟後以回避別調去

于翰翊字雙邨正黃旗漢軍歲貢生雍正元年

舊志作二年誤用省志正

任

嚴保甲清冒籍詳增學額四名又捐倉穀一百石貯本縣常平倉以備水旱

據建

設義冢修東關隘葺東嶽廟民甚德之

以上知縣

杜昌丁字松風青浦副貢生雍正七年知浦城有政聲十二年調知永春州時新改縣爲州纂志乘築衛城壩增闢書院學舍改明倫堂爲試院增學額百廢具舉政成民安嘗攝泉郡及建寧府篆旋復任前後牧永二十七年歷久而民益親卒官篋無餘財士民爭賻之櫬歸之日泣奠者盈於道其廉潔寬厚深得人心三百年中蓋無其比

劉毓珍直隸棗強進士乾隆十年任廉潔精明弊端杜絕值平糶先按保甲核名口屆期甲首率十家賈票至以口數及日數入價領米胥役無私索而沾惠無溢漏之弊永爲良法考試則編字爲號無凌躐關節之虞傳遞僱倩之風以息士林頌之

永春縣志

卷二十六

循吏傳

十

嘉謨滿洲鑲藍旗人乾隆三十年任永舊無書院謨因民訟所獻地更募金購置建梅峯書院於儒林街前闢講堂中祀朱子後爲摘藻樓旁列號舍以餘金貯存生息爲師生脯脩膏火之資又以學使試院舊制隘陋擴充而重建之始終政績於文化爲最工擘窠書雄健瓌瑋所題扁額猶有存者

張所受字樸齋廣東靈山附貢生乾隆三十七年任性果斷不避艱阻州西衛城壩歷任興築弗克成功所受相度機宜期年而成一勞永逸至今賴之

鄭澐字晴波江蘇儀徵舉人由建寧丞於乾隆三十九年署永春州澐工詩詞喜吟詠與州人士倡和有杜牧白居易之風州

試向有賃租桌橈之費漚悉禁之捐俸修理垂爲定制士子入院几席備具士咸頌之愛民禮士操守清廉尋常執贄一切卻之後擢至浙江督糧道其詩詞具見湖海詩傳及國朝詞綜中

號楓人舊志誤以爲字今改正

姚任道字勵齋江南歙縣舉人任南安縣乾隆四十及四十七等年兩署永春文廟內兩廡戟門等處經鄭劉兩任未境厥功至任道更勸捐以完成之雙魚山有塔久廢亦采輿論重建舊志

鄭一崧號雪蕉江蘇英山舉人乾隆四十九年任愛民重士以教化爲己任如纂州志修文廟復建環翠谷音二亭以存先賢遺蹟皆善政之彰彰可考者也桐城姚棻稱一崧以實心行實

永春縣志

卷二十六

循吏傳

十一

政政聲卓卓冠於全閩嘗屢以卓異保題乾隆末以虧空案去官

葉紹棻浙江紹興舉人嘉慶十三年任有循聲鵠鶴嶺爲永仙通路險仄不便行旅紹棻倡修之立石紀其事碑刻今尙存焉臨去以詩留別士民以弊俗未除爲歉以回避移署泉州守又移海防督學使者紹本其弟也

趙逢源青浦舉人嘉慶二十一年任以聽訟善得情而決獄平恕傳有小姓奉旨建坊而卽大姓家祠前立基者大姓忿起抗之逢源爲開導移建曠地而召大姓紳耆諭之曰君等未讀律幾中人算膺大罰夫抗違詔命之罪君等不勝任也然坊無再

建之例彼欲藉是辱貴族設貴族縱而不拒而伺風雨晦冥之夕拽而碎之則彼且以辱人者自辱而有司不能無主名成獄也君等休矣有爲繼室訟其子不孝者諭之夫妻父子皆感泣去喜振興文教州人奉其祿位書院中次之鄭一崧云軼事余聞之仲父藻香

姚觀江西南城人嘉慶辛酉進士道光四年任廉公自矢不名一錢史致儼爲學使按州觀供應淡泊頗怪之旣而察其清署中家人自爨不用廚役以是益欽重焉將奏請升擢以試士未慎不果

王益謙字仲山山西蒲城人嘉慶己卯舉人道光十五年署留

永春縣志

卷二十六

循吏傳

十二

心民瘼尤善培植士類嚴考試隨納卷時細閱文理有未合者立指示之立稍跛倚厲辭繩督士皆愧勉拔德化郭尙品於韶齡後果爲名元又嘗爲鄉試房考有舞弊者求其通融代薦益謙曰佳文吾自薦之不肯以此負國家求賢意也其耿介類此王光鏢字月船四川巴縣人嘉慶戊辰舉人道光二十三年任尊賢禮士嘗臨書院以夏布賜諸生山長黃鳳儀謝以詩光鏢和焉好選學長於詩歌士多化之光鏢素愛民會以公過召鞫時德化舉人賴其瑛方以文譽重省中聞光鏢得罪乃貽書大吏佯爲不知也者但敘光鏢平日賢聲屬大吏友視之時已褫訊矣得書沈吟久之曰賴子瑩素不濫交竟復其職原之州民

慶好官之不黜也後擢任泉州知府老於閩

崔洲字淡溪江南太平人道光庚子進士咸豐元年二月任愛民禮士而性失之慈柔林俊謀作亂俊父執以送官者三洲欲以德懷之且憚其黨與之衆不敢殺俊遂反洲以周嘉徵顏龍光鄭金城林慶颺等爲練總邱言顏必魁等爲將屢擊破之俊遠遁民賴以安當甲寅六月俊出不意襲陷州城洲長子殞於寇家人奔散俊懸賞以購危不容髮矣然民爭匿之且并力奮起赴難並乞援鎮戍爲之導大破俊兵殺其兄倫城陷未半日而復其得民心如此

吳翊昌號艇舫安徽桐城人道光癸未進士咸豐四年從上官

永春縣志

卷二十六

循吏傳

十三

平匪留治州事招徠鎮撫威惠並著學使吳保泰翊昌早爲縣令時所得士也按永對翊昌執弟子禮甚恭八年卒於任有傳其爲城隍神者

周式濂字紹

一作  
筱

溪河南濬縣人咸豐癸丑進士由庶吉士散

館授安溪縣歷調閩侯二縣陞補永春知州同治二年十月任值謝險劉光居之亂聚匪黨鶴山寨剽掠村里遠近苦之式濂以除暴安良爲己任請兵往勦匪負固不服每夜伺官軍怠劫營而晝在寨上歌吹飲博詆毀譏笑無所不至以搦之戰官軍不勝憤盡銳攻之而危崖仄徑勇無所施相持累月軍多死者式濂憂之乃堅壘清野分兵守隘斷賊出入而令州紳素爲民

及匪所信仰者說其黨李沓爲間而以官爵餌光居等誘之至營擒斬無遺惟謝險逸脫後亦走死福州蓋自林俊倡亂以來至是十餘年民始安堵式濂威惠大著遠近賴焉而主兵者兵備道朱明亮爲總督左宗棠所倚信性剛使氣不分良莠多所株連式濂極力調護爲民辨雪明亮惡之毀諸宗棠誣其貪酷欲中以危法宗棠惑焉調至省鍛鍊無所得乃以軍餉奏銷案坐以虧帑薄懲之有爲之解者宗棠悟乃擢遷鹿港同知州諸生陳佩韋寄詩頌之式濂和焉有家在河梁歸未得身無子女累偏多之句後竟卒於福州貧幾無以殮後任張夢元時爲布政使素敬其賢爲之經紀柩乃得歸

永春縣志

卷二十六

循吏傳

十四

向燾字靜菴四川中江人咸豐辛酉拔貢同治十年八月署治獄得情善體民隱下鄉勘案約束從役未嘗擾累以州鮮藏書特購阮元所刻十三經注疏及汲古閣十七史舊五代史邵氏正續弘簡錄貯之梅峯書院令學者得縱覽焉後周牧傳輝亦仿其意置省刊武英殿聚珍板叢書千餘冊於書院州人士稍稍知爲根柢之學不溺於制科文者由燾開之也翼年三月屆滿去士民攀轅具香花送者達竟不絕與後任張夢元齊名至今民猶稱之

張夢元字蓉軒直隸天津人咸豐辛亥舉人同治十一年蒞任愛民如子折獄明決豪強屏息提學使孫毓汶按州試事畢特

入署訪之晤談移時謂之曰吾入閩卽知爾爲第一清官矣其敬重夢元如此癸酉鄉闈調爲內監試歷陞至福建布政使翁學本字蘭畦湖南善化人祖籍浙江餘姚由縣丞擢知泰寧歷調崇安閩侯所至有聲同治六年夏擢任永春州甫下車卽問民疾苦居六年興利除弊不遺餘力凡公署倉庫關津橋梁以及廟宇之載在祀典者無不次第修葺如修建文昌城隍廟東關橋衛城壩其最著者也十年秋任滿入覲永民感其德政焚香羅拜送之祝其去而復來越四年果復原任永民喜出望外政教風行幾於刑措又三年以卓異陞知府州民挽留不得追念遺愛爲立德政去思兩碑復請諸督府及布按於州治之

永春縣志

卷二十六

循吏傳

十五

西建翁公祠崇祀焉後累遷至鹽道署按察使猶惓惓以永民爲念武生林克中霞陵巨族也嘗以事爲學本所懲及建祠提倡最力且身任購地督匠事論者比李嚴廖立之於武侯焉袁學顯字芝銘江蘇陽湖人寄籍順天宛平父績懋道光丁未進士及第官延建邵道咸豐八年督兵順昌城陷殉難學顯以父廕爲太學生通政體無紈袴習光緒五年蒞永春溫厚和平與民休息時值張翁煦養之後治成化洽無所更張幾於鳴琴而理焉素嗜酒量極豪然事母至孝每沈酒母呵之輒止未嘗大失儀母左氏名錫璇同籍湖南巡撫左輔孫女與妹錫嘉俱以節行著工書畫能詩詞永人得其翰墨至今珍之有芙江詞

一卷行世其高華沈著處幾與清初徐燦抗衡

唐寶鑑字蓉石直隸靜海人咸豐辛亥舉人光緒初署永春政尚清簡民多便之殷勤課士善衡文時稱其公有傳其通醫術解相法者後升任福州府歷遷至按察使所至皆有政聲

彭鏊字和菴江西寧都人同治甲子順天副貢生光緒八年任性廉鯁執法無所避人不敢干以私其決獄以抑強扶弱爲主義弱房小姓諗知其意往往因事尋釁以報復強宗巨族間亦有被其朦混者然終其任豪猾屏息奸胥蠹役無所施其技因相與造謠詆之號爲彭噩十一年以卓異保擢知福州府頃之得風疾留滯省垣貧不能歸一時論者有廉吏不可爲之歎云

永春縣志

卷二十六

循吏傳

十六

繼其後者爲清溪劉朝縉性慈而闇委政於刑幕朱林五致成德化陳拱之變論者多謂使彭鏊在當不至此嘗因衡文歎永士囿舉業之根柢學宴諸紳詢麒麟閣勳臣姓名無能對者乃命州中學童十歲左右能默誦五經者舉以聞召至署面試獎勵之學風爲之一變

陳受頤字尺珊浙江鄞縣人光緒癸未進士由翰林院庶吉士外用光緒二十二年任永春精明廉潔政簡刑清每下鄉輕裝減從率不過十人胥役均肅然奉法豪紳巨族無敢以私意干請或阻撓者政聲大著尤注意勸學初永士無定額膏火惟憑月課獎給月課分官考一期梅峯鵬山兩書院各一士子應試

者作輟無恆往往冒名勦襲無所懲勸受頤痛斥其弊始至則  
扃院考試之拔其尤者分爲內外課每月給一定膏火費仍以  
逐期所考高下升降之士以此爭自磨勵焉然向燾周傳輝所  
購貯梅峯書院書近二千冊自陳佩韋郭奇芬外仍鮮借讀者  
陳模字肇楷廣東嘉應州人咸豐辛酉拔貢生光緒三十年由  
泉州府委署永春廉潔自持脫去官僚習氣公餘之暇惟以課  
子孫讀書爲務取士重宿學采時譽不甚較一日短長衡文亦  
以書卷才氣爲主不繩以制科功令使居五十年前則永春多  
讀書人矣子孫多有科目入仕籍者嘗以文贄余請改削率撥  
棄常解持之有故云

永春縣志

卷二十六

循吏傳

十七

李樹敏字文卿河南信陽州人光緒丙戌進士於二十五年及  
三十一年再任永春爲清代最後之司牧者老成練達以省事  
愛民爲宗旨外若柔懦而執持堅決終始不變有萬夫莫撓之  
概焉特性能容忍喜怒不形人莫窺其涯際耳永民自前任沈  
受謙被訐致仕後朋訟控官之風日長每一狀列名原被或數  
十人蔓引文致不可究詰閭弱者多爲所眩脅樹敏以靜鎮之  
均莫能售敝漸息科舉罷泐建中小學校俱井然有緒大吏嘉  
之屢膺獎敘光復之際他邑多有變故長吏棄官去或有被驅  
逐羈囚者惟永春案堵如故士民咸愛護挽留之至民國統一  
後省縣無事告老歸州人禮送之如承平時以上知州

李經芳直隸舉人乾隆二十八年任州同潔清自矢有便於民者必白州牧行之永人稱爲李佛舊志  
黃道愨湖南舉人乾隆三十六年任州同初州同署甚窄陋至道愨始捐俸建之紳民共襄助焉又與州人同修衛城壩訖工可想見其賢矣

余懋勳貴州貴定舉人咸豐三年及同治七年再任州同學問淵博而文辭古澹與進士陳錫恩結文字交行誼淳厚亦相類錫恩初嘗赴禮闈以與泉州陳御史慶鏞爲近親避不就試及是漸老已無意科名矣懋勳獨勸之北上時房考爲宗室崑岡賞其文遂獲第果如操左券云嘗約通鑑及宋元明史著三字

永春縣志

卷二十六

循吏傳

十八

鑑行世上下數千年文簡而事具州人士多傳誦之

吳佐熙字仲穆廣東惠來拔貢生福州刻武英殿聚珍版叢書以佐熙博雅調任參校光緒間再任州同廉隅自飭親士愛民與同僚和衷共濟嘗兼辦釐捐前後近十年未嘗苛擾州立中等學校兼任監督頗著成績工擘窠書遒勁似何紹基人爭求之佐熙不以爲煩嘗自言其書源出魯公山谷謂書雖藝事然非性情肫摯學問深造者不能拔俗而入古故必能爲第一等人然後能爲第一等書以字畫結構求之末也辛亥冬棄官歸里家無餘財寓汕頭鬻書自給其子孫多入仕籍及爲學校教

職員者

以上州同

胡萬鑑

職官志訛  
作萬鑑

仁和人順治三年從貝勒博洛入閩授永春

訓導禮賢愛士著桃源蘭芬會文諸篇都人士仰斗山焉山寇薄城萬鑑率諸生募民兵偕知縣潘際昌協力捍禦百餘日食盡援絕城陷被執罵賊不屈死之

蔡祚週字幼石漳浦人康熙二十一年由拔貢教諭永春搆學署協修縣志時兵燹之餘學宮神牌錯失祭器無存祚週按闕里志圖增設廡祠牌位捐造禮樂器共一千零四件又募純實學童教以樂章蓋學宮歷來未見之明備也

趙連城字甌川霞浦人乾隆四十五年由歲貢任訓導三載考課詳慎不妄許可人至往來脩脯漠不計也時當修理文廟晨

永春縣志

卷二十六

循吏傳

十九

夕巡視無間寒暑且慰勞人士之董厥役者共相鼓舞速葺其事後卒於官庠士咸痛惜之

舊志

王祖望字璜溪福鼎人道光丁酉舉人祖孫恭父紹言皆以大挑知縣改任教職伯父錫齡與德化鄭兼才友善俱以學行爲士林所矜式卒祀鄉賢祖望於同治二年以改教借補訓導在任值翁學本振興文教百廢具舉贊襄督理著有成勞於諸生贄脩不計豐嗇爲近世教官所罕見子彥鈞同治壬戌舉人孫恭傳見兼才所著六亭文集中

許藜光字照樓莆田舉人光緒間任永學正繼南平胡雲章之後皆良教官也雲章事採訪未得故不立傳藜光性和藹不立

崖岸善詩賦每對諸生講解不厭從子極生善屬文與余厚時  
藜光年七十矣從余借靳註吳梅村集旦夕吟諷其耄而好學  
如此卒於任諸生聞訃奔臨其喪也累月不絕

吳長慶字引吾福清舉人任訓導與許藜光爲教諭同時待諸  
生視藜光稍嚴諸生敬憚焉才學優長訓迪不倦嘗兼掌鵬山  
書院中學校成立吳佐熙聘任教員時以根柢之學勗生徒光  
緒末以老歸子學濂壬寅舉人

以上  
教職

王開俊湖南人同治末爲遊擊將左營提標駐永勇而知義善  
緝捕盜賊皆奔避或改行民賴以安尤惡賭博以爲游惰無行  
者盜之媒蘖務絕根株每微服隨目兵數人到鄉僞與博因得

永春縣志

卷二十六

循吏傳

二十

擒其首嚴懲之民皆畏服賭風屏息嘗巡視屬邑訪摘奸慝有  
黠民賺人物不還價者聞知立遣兵捕之兒童頑不率教者爲  
意錢之戲遇諸途以磚戴其首薄懲焉以故鄉村人無不知王  
將軍者頌之至今後調征臺灣生番社深入無援遇害州人思

其德咸痛惜之

以上  
武職